

BOSNIA AND HERZEGOVINA
FEDERATION OF BOSNIA AND HERZEGOVINA
**MINISTRY OF TRANSPORT AND COMMUNICATIONS OF
THE FEDERATION OF BOSNIA AND HERZEGOVINA**

Broj: 08/1-02-2-555-1/25
Mostar, 05.05.2025. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

DOM NARODA PARLAMENTA FEDERACIJE BiH

- ☉ n/p gosp. Izmir Hadžiavdzić, tajnik
- n/p gosp. Mehmed Memišević, izaslanik

Primljeno: 12-05-2025			
Org. jed.	Broj	Priloga	Vrijednost
05/2	- 02 -	120	125

VLADA FEDERACIJE BiH

- n/p gđa. Edita Kalajdžić, tajnik

PREDMET: Odgovor na izaslaničku inicijativu gosp. Mehmed Memišević, dostavlja se

VEZA: Akt broj: 05/2-02-120/25 od 10.03.2025. godine

Poštovani,

Federalnom ministarstvu prometa i komunikacija je dostavljen akt Doma naroda Parlamenta Federacije BiH broj: 05/2-02-120/25 od 10.03.2025. godine, kojim se traži postupanje po izaslaničkoj inicijativi, koju je na 16. sjednici Doma naroda Parlamenta Federacije BiH, održanoj 04.03.2025. godine, uputio gosp. **Mehmed Memišević** – izaslanik u Domu naroda Parlamenta Federacije BiH.

Izaslanička inicijativa se odnosila na postupanje sukladno nadležnostima za poduzimanje prijeko potrebnih radnji u **rješavanju problema na mostu Brčko-Gunja**. Shodno nadležnostima, *inicijativu smo na nadležno postupanje proslijedili Ministarstvu komunikacija i prometa BiH, dopisom broj: 08/1-02-2-555/25 od 18.03.2025. godine.*

Ministarstvo komunikacija i prometa BiH je na navedenu inicijativu odgovorilo aktom broj: 06-07-3-739-1/25 od 04.04.2025. godine, *zaprimljenog u Federalno ministarstvo prometa i komunikacija dana 29.04.2025. godine.* Temeljem Sporazuma između Vijeća ministara Bosne i Hercegovine i Vlade Republike Hrvatske, potpisanog dana 12.09.2023. godine u Sarajevu, Hrvatske ceste d.o.o. Zagreb i Ministarstvo komunikacija i prometa BiH su sukladno zakonskim propisima proveli proceduru nabavke usluga Izrade projektne dokumentacije za rekonstrukciju predmetnog mosta. Procijenjena vrijednost nabavke je iznosila 150.500,50 EUR bez PDV-a, uz sporazum Ugovornih strana o podjeli troškova u jednakim dijelovima (50:50).

Kao najpovoljniji ponuditelj izabrana je Zajednica ponuditelja, kako slijedi: URBANE IDEJE d.o.o. kao nositelj, te Sveučilište u Zagrebu-Građevinski fakultet, CONSILIUM ELECTRA d.o.o. i BBD – Bridge & Building Desing d.o.o. kao članovi, Navedeni Ugovor se provodi od 17.01.2025. godine, te je naveden rok za završetak - 180 radnih dana.

Rješenjem policije Brčko Distrikta, a na osnovu ispitivanja i pregleda mosta dana 14.02.2025. godine – potpuno je obustavljen promet za sva motorna vozila, uz navođenje uočenih oštećenja na stupovima, što je dokumentirano i izradom posebnog elaborata.

Kako je navedeno u zaprimljenom aktu MKT BiH, dana 19.02.2025. godine na sastanku u Brčkom, sve relevantne strane su pristupile iznalaženju najbržeg mogućeg rješenja za sanaciju mosta Brčko-Gunja, što je rezultiralo donošenjem jednoglasnog Zaključka da se pristupi hitnoj sanaciji predmetnog mosta, a s ciljem što skorijeg uspostavljanja prometa vozila do 3.5 tona. Predstavnici Hrvatske ceste d.o.o. su iznijeli prijedlog rješenja sanacije mosta- obnova oštećenja na stupovima S 17 i S 24, kao i ostalih oštećenja, te je planirano da se u narednih 90 dana izradi elaborat i tehnička dokumentacija, provede postupak nabavke i izvedu radovi sanacije.

Naposljetku, u dopisu Ministarstva i komunikacija BiH je navedeno da će se uz navedenu obnovu, razmotriti i mogućnost izgradnje novog mosta Brčko-Gunja, koji bi se nalazio nizvodno od postojećeg.

U prilogu ovoga akta dostavljamo Vam cjelovit odgovor nadležnog Ministarstva komunikacija i prometa BiH.

S poštovanjem,

Prilog:

- Akt Ministarstva komunikacija i prometa BiH broj: 06-07-3-739-1/25 od 04.04.2025. godine
- Akt Federalnog ministarstva prometa i komunikacija broj: 08/1-02-2-555/25 od 18.03.2025. godine

Dostavljeno: - Naslovu
- Evidenciji
- Arhivi



BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Sekretar



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF PEOPLE
Secretary

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ДОМ НАРОДА
Секретар

cc Miac
S.S. W.

Broj: 05/2-02-217;120/25
Sarajevo, 25.04.2025. godine

FEDERALNO MINISTARSTVO PROMETA I KOMUNIKACIJA
n/r Andrijana Katić, ministrica

05-05-2025
- uneseno

PREDMET: Inicijativa

Na 18.sjednici Doma naroda Parlamenta Federacije Bosne i Hercegovine održanoj 22.04.2025.godine, delegat **Mehmed Memišević** pokrenuo je inicijativu u pisanoj formi.

U prilogu Vam dostavljam, radi korištenja, izvod iz neautoriziranog magnetofonskog snimka sjednice Doma naroda u kome je sadržana inicijativa.

Molim da odgovor na inicijativu dostavite Domu naroda Parlamenta Federacije Bosne i Hercegovine.

DRŽAVNA SLUŽBENICA
KOJA OBAVLJA POSLOVE IZ NADLEŽNOSTI
SEKRETARA DOMA NARODA
Aida Hadžić-Salkić



cc Danijel
cc Mica
29.4.25
5.5.25.
cc/1



Broj: 06-07-3-739-1/25
Sarajevo, 04.04.2025. godine

FEDERALNO MINISTARSTVO PROMETA I KOMUNIKACIJA
Tvrтка Miloša bb, 88000 MOSTAR

Predmet: Izaslanička inicijativa gosp. Mehmeda Memiševića, dostavlja se 9 -04- 2025

Poštovani,

Ministarstvu komunikacija i prometa Bosne i Hercegovine dostavljen je Vaš akt broj: 08/1-02-2-555/25 od 18.03.2025. godine kojim se traži postupanje po izaslaničkoj inicijativi, koju je na 16. sjednici Doma naroda Parlamenta Federacije BiH, održanoj 04.03.2025. godine, uputio gospodin Mehmed Memišević-izaslanik u Domu naroda Parlamenta Federacije BiH, a koja je u skladu s nadležnostima za poduzimanje mjera i radnji u rješavanju problema na projektu mosta Brčko-Gunja

Na osnovu Sporazuma između Vijeća ministara Bosne i Hercegovine i Vlade Republike Hrvatske o rekonstrukciji mosta Brčko (BiH) – Gunja (RH) na M - 14.1 (BiH) / DC 214 (RH) potpisanog dana 12. septembra 2023. godine u Sarajevu, Hrvatske ceste d. o. o. Zagreb i Ministarstvo komunikacija i prometa Bosne i Hercegovine su proveli proceduru nabavke usluga Izrada projektne dokumentacije za rekonstrukciju mosta Gunja (RH) - Brčko (BiH) na DC214 (RH) / M14.1 (BiH), tenderska dokumentacija broj: 2024/S F02-0006670 od 03.07.2024. godine, po otvorenom postupku nabavke u skladu s Zakonom o javnim nabavkama Republike Hrvatske. Procijenjenja vrijednost nabavke je iznosila do 150.500,00 EUR bez PDV-a. Ugovorne strane sporazumjele su se o raspodjeli troškova za projektantske usluge za izradu i reviziju dokumentacije da snose u jednakim dijelovima (50:50 %).

Ugovor o pružanju usluga Izrada projektne dokumentacije za rekonstrukciju mosta Gunja (RH) - Brčko (BiH) na DC214 (RH) / M14.1 (BiH) između Ministarstva komunikacija i prometa Bosne i Hercegovine, Hrvatskih cesta d. o. o. Zagreb i odabranog najpovoljnijeg ponuditelja **Zajednica ponuditelja.: URBANE IDEJE d.o.o. - nositelj, SVEUČILIŠTE U ZAGREBU GRAĐEVINSKI FAKULTET - član, CONSILIUM ELECTRA d.o.o. - član, BBD - Bridge & Building Design d.o.o. – član** se provodi od 17.01.2025. godine, a Ugovaratelj se obvezao da će s pružanjem usluga započeti odmah i iste završiti u roku od 180 radnih dana.

Na osnovu ispitivanja i pregleda mosta dana 14.02.2025. godine Rješenjem policije Brčko distrikt Bosne i Hercegovine potpuno je obustavljen promet za sva motorna vozila osim za pješake i bicikle, nakon uočenih oštećenja na stupovima S 17 i S 24, što je i dokumentirano izradom izvještaja posebnog elaborata.

Na sastanku održanom u Brčkom 19.02.2025. godine između predstavnika Ministarstva komunikacija i prometa Bosne i Hercegovine, Hrvatskih cesta d. o. o. Zagreb, JP Putova Brčko

distrikt Bosne i Hercegovine, Vlade Brčko distrikt Bosne i Hercegovine, predstavnika policije Brčko distrikt Bosne i Hercegovine i svih ostalih zainteresiranih strana pristupilo se iznalaženju najbržeg mogućeg rješenja za sanaciju mosta Brčko-Gunja. Nakon iznesenih stavova svih prisutnih donesen je jednoglasan Zaključak da se pristupi hitnoj sanaciji mosta Brčko-Gunja kako bi se što prije uspostavio promet vozila do 3.5 tona što je jedino moguće rješenje u ovom trenutku nakon razmatranja svih opcija, a kako bi se most što prije sanirao.

Zbog ograničenja i vremenskih rokova prestavnici Hrvatskih cesta d. o. o. Zagreb iznjeli su prijedlog rješenja sanacije mosta. Planirano je da se u narednih do 90 dana izradi elaborat i tehnička dokumentacija za sanaciju mosta, provede postupak nabavke i izvedu radovi na sanaciji što je objektivno prihvatljivo za obadvije strane.

Projektom sanacije postojećeg mosta predviđena je obnova oštećenja na stupovima S 17 i S 24 kao i ostalih uočenih oštećenja koja spadaju u radove sanacije mosta.

Novi most predstavlja prioritet dvije države u narednom periodu, što su u dosadašnjim razgovorima naglasili prestavnici Ministarstva mora prometa i infrastrukture Republike Hrvatske i Hrvatskih cesta d. o. o. Zagreb s predstavnicima Ministarstva komunikacija i prometa Bosne i Hercegovine. Prostornim planom Republike Hrvatske predviđeno da se u narednom periodu planira nizvodno izgradnja novog mosta, koji bi povezo spoj autoceste A3 s cestom Ilok-Bačka Palanka-Lipovac-Brčko. Dogovoreno je da se konačno sačeka dostava prijedloga za rješavanja statusa postojećeg mosta Brčko-Gunja, te zajednički pristupi provođenju aktivnosti u skladu s potpisanim Sporazumom. Prostorni plan Brčko distrikta Bosne i Hercegovine je potrebno uskladiti s prostornim planom Republike Hrvatske (Županije Posavsko-Srijemske) kako bi se iznašlo rješenje za lokaciju novog mosta. Jedino moguće rješenje je donošenje odnosno usvajanjem novog prostornog plana Brčko distrikta Bosne i Hercegovine. Nakon toga dvije strane bi obostrano dogovorile lokaciju budućeg mosta kako bi se pristupilo narednim koracima u provedbi procedura za donošenje posebnog Sporazuma kada se za to stvore uvjeti.

Uz obnovu postojećeg mosta, Bosna i Hercegovina i Republika Hrvatska razmotrit će o mogućnosti izgradnje novog mosta Brčko-Gunja, koji bi se nalazio nizvodno od postojećeg.



MINISTAR

Edin Forto

Dostavljeno:

- Naslovu
- 01, 02, 06
- a/a

BOSNIA AND HERZEGOVINA
FEDERATION OF BOSNIA AND HERZEGOVINA
**MINISTRY OF TRANSPORT AND COMMUNICATIONS OF
THE FEDERATION OF BOSNIA AND HERZEGOVINA**

Broj: 08/1-02-2-555/25
Mostar, 18.03.2025. godine

⊖ **MINISTARSTVO KOMUNIKACIJA I PROMETA BiH**
Trg Bosne i Hercegovine 1/IV, 71 000 Sarajevo

PREDMET: Izaslanička inicijativa gosp. Mehmeda Memiševića, traži se

Poštovani,

Federalnom ministarstvu prometa i komunikacija je dostavljen akt Doma naroda Parlamenta Federacije BiH broj: 05/2-02-120/25 od 10.03.2025. godine, kojim se traži postupanje po izaslaničkoj inicijativi, koju je na 16. sjednici Doma naroda Parlamenta Federacije BiH, održanoj 04.03.2025. godine, uputio gosp. Mehmed Memišević – izaslanik u Domu naroda Parlamenta Federacije BiH.

Izaslanička inicijativa se odnosi na postupanje sukladno nadležnostima za poduzimanje prijeko potrebnih radnji u rješavanju problema na mostu Brčko- Gunja.

Molimo da nam dostavite odgovor na predmetnu inicijativu shodno Vašoj nadležnosti, kako bismo sukladno članku 13. st. (1, 3 i 4) Poslovnika o radu Doma naroda Parlamenta Federacije Bosne i Hercegovine („Službene novine Federacije BiH“ br. 27/03, 21/09, 24/24 i 60/24) mogli u roku dostaviti odgovor izaslaniku koji je uputio izaslaničku inicijativu i Tajniku Doma naroda Parlamenta Federacije BiH.

S poštovanjem,

Prilog:

- Akt broj: 05/2-02-120/25 od 10.03.2025. godine sa izaslaničkom inicijativom

Dostavljeno:

- ⊖ Naslovu
- Evidenciji
- Arhivi

MINISTRICA

Andrijana Katić

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Sekretar



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF PEOPLE
Secretary

БОСНА И ХЕРЦЕГОВИНА
ФЕДЕРАЦИЈА БОСНЕ И ХЕРЦЕГОВИНЕ
ПАРЛАМЕНТ ФЕДЕРАЦИЈЕ
ДОМ НАРОДА
Секретар

Broj: 05/2-02-118;120/25
Sarajevo, 10.03.2025.godine

FEDERALNO MINISTARSTVO TRGOVINE
n/e Amira Hasičevića, ministra

FEDERALNO MINISTARSTVO PROMETA I KOMUNIKACIJA
n/r Andijane Katić, ministrice

PREDMET: Delegatsko pitanje i inicijativa

Na 16.sjednici Doma naroda Parlamenta Federacije Bosne i Hercegovine održanoj 04.03.2025.godine, delegat **Mehmed Memišević** postavio je delegatsko pitanje i pokrenuo inicijativu u pisanoj formi.

U prilogu Vam dostavljam, radi korištenja, izvod iz neautoriziranog magnetofonskog snimka sjednice Doma naroda u kome je sadržano delegatsko pitanje i inicijativa.

Molim da odgovor na delegatsko pitanje i inicijativu dostavite Domu naroda Parlamenta Federacije Bosne i Hercegovine.



Aida Hadžić-Salkić

A sada bih se dozvolit ćete mi još jednu minuticu, minutu i po, osvrnuo na aktuelna dešavanja koja se dešavaju u BiH pa ću kazati ovako. Želim da pošaljem jasnu poruku ovim tzv. prijateljima BiH koji u posljednje vrijeme sve više se sekiraju za BiH dok kod njih gori vatra. Počet ću od predsjednika Srbije znači, Vučić sjedne u avion i dolazi u Banja Luku na kahvu kako bi se izjadao i dao podršku Dodiku na rušenju BiH dok u isto vrijeme gori Srbija od studentskih protesta za koje sve od jučer krivo Sarajevo. Kako rješenje može dati čovjek koji vidi skriveni poziv i zna ko ga zove. Koji vidi suzu u nečijem oku a isti je ne vidi na stotine hiljada mladih kako protestuju u njegovoj državi a dolazi rješavati problem u drugu državu.

Sada su nam počeli evo i crnogorski političari dolaziti u BiH da i oni daju nekakve podrške ne znam samo zašto i kome jer smatram da jedina prava adresa za podršku je institucija države BiH jer samo te institucije štite sve građane ove BiH i Srbe i Bošnjake i Hrvate i sve one koji se deklariraju kao Ostali.

Na kraju moram da se osvrnem na zapadne susjede čiji predsjednik Vlade vrlo korektno poziva na poštivanje Zakona BiH dok predsjednik te iste države poziva na kršenje Zakona, Ustava druge države dajući izjave kako se u BiH vrši politički progon kako bi se neko diskreditirao.

Gospodine Milanoviću, da li bi bilo politički progon da Srbi iz tzv. SAO Krajine najavi odcjepljenje od Hrvatske ili bi vi to kao demokrata prihvatili i bez ikakvih osuda i presuda prihvatili?

Značajno zajedničko svih gore navedenih da vole BiH, ali za svoj interes a ne da poštuje Zakon ove države. Moja poruka je, nemojte nam više biti prijatelji hajte malo budite neprijatelji bit ćemo sigurno bolje. Gospodo, bilo je BiH prije svih nas a biti će ako Bog da i poslije svih nas.

Hvala vam.

TOMISLAV MARTINOVIĆ:

Riječ ima izaslanik Mehmed Memišević.

MEHMED MEMIŠEVIĆ:

Poštovani predsjedniče, poštovani dopredsjednici, poštovana predsjednice Federacije, poštovani predsjedniče, delegati i delegatkinje, predstavnici medija, radnih tijela i službi sve vas skupa pozdravljam.

Dana imam jedno pitanje, jednu Inicijativu pa ću krenuti redom.

Sa ovog mjesta sa ove govornice bio sam jedan od prvih koji je jasno i glasno rekao, nešto se baš i ne sjećam da su kolege toliko podržavale kada je u pitanju ova radna nedjelja, ali evo drago mi je kako vrijeme odmiče, da neradna pardon nedjelja da je nekako svijesti probudila i da svi i vidimo negativne posljedice za privredu i ekonomiju Federacije BiH.

Mi danas imamo situaciju da jednom Doboju po informacijama u Doboju Jugu, zatvoren je veliki tržišni centar, kada na to sve dodamo i rast minimalca uz ove visoke doprinose koje imamo za posljedicu, posljedica je jednostavna i što znači svakodnevno otpuštanje radnika. Upozoravali smo ispočetka da su ovo populistički potezi, da Vlada hajde da kažemo sada i svjesno lošeg rejtinga da sve ove odluke radi površno, da donosi uredu na uredbu bez jasnih zakona bez fiskalnih reformi. Tako smo ovih dana svjedoci da imamo uredbu o mjerama finacijske pomoći u vrijednosti

Dobro, Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 07-03-2025			
Org. jst.	Broj	Priloga	Vrijednost
05/2	-02-	118 120	125

od 15 miliona maraka kako su nam naveli kako kažu u cilju održavanja postojećih radnih mjesta u 2025. godini. Međutim, to je već kasno, kasno, prekasno, šteta je već ogromna. Ono što me posebno žalosti a to je da u jeku ove borbe za državu BiH premijer za mene nametnuti misli da može da radi šta hoće. Svi su okupirani, s pravom smo svi okupirani potezima koje dolaze iz RS-a, ali to ne daje za pravo Vladi Federacije BiH, da misli da može da radi šta hoće, da harči Federaciju, da niko to neće da primijeti i da ovih dana ponovno se zadužuje za 635 miliona maraka.

Da skratim i da prijeđem na konkretno pitanje, pitanje ide Ministarstvu trgovine a glasi:

Zašto se ne razmatraju zahtjevi lokalnih zajednica koje su po Zakonu o unutrašnjoj trgovini po proceduri pute općinskih i gradskih vijeća uputile zahtjev Federalnom ministarstvu trgovine da se izuzmu iz radne nedjelje, tj. neradne nedjelje pardon? To bi bilo prvo pitanje.

Druga Inicijativa bi se odnosila na Ministarstvo prometa i komunikacija Federacije BiH, a riječ je o mostu u Brčkom tj. most koji spaja Brčko i Gunju, most koji spaja Bosnu i Hercegovinu i Hrvatsku taj most već duži vremenski period je zatvoren. Privreda Brčko Distrikta a i velikim dijelom sjeveroistočne Bosne i Hercegovine trpi velike gubitke po podacima sam Brčko Distrikt je već u gubitku dva miliona maraka.

✗ Informacijama kojima raspolažemo da su prije četiri godine dogovorene izgradnja novog mosta međutim, ni dan-danas nema ni konkretnih poteza.

Inicijativa bi išla u smjeru pomenutog Ministarstva da shodno, sukladno svojim ingirencijama potencira rješavanje ovoga velikoga problema kako za Brčko Distrikt tako i za BiH.

Hvala.

TOMISLAV MARTINOVIĆ:

Riječ ima izaslanik Oliver Soldo.

OLIVER SOLDO:

Uvaženo predsjedništvo, predsjedniče, predsjednice Federacije i zamjenice predsjednika Federacije, uvaženi ministri, kolegice i kolege izaslanici, gosti današnje sjednice Doma naroda, ja imam zastupničku inicijativu za Vladu i za Ministarstvo poljoprivrede.

Zastupnička inicijativa je za interventnu pomoć u saniranju gubitaka u uzgoju koza nastali uslijed nedostataka bakra u tlu, odnosno paši te učestalog oboljenja grla od artritisa, encefalitisa u periodu listopad '23.- studeni '24. uginulo je 169 grla koza i jaradi sa procijenjenom štetom cca 135 tisuća KM stočarima, Braniteljske zadruge „Zlatna feta“ Šuica 35 grla, Ivica Mioč Šuica 75 grla, Smiljana Kraus Šuica 59 grla.

Također pokrećem Inicijativu za institucionalnim i sustavnim pristupom nadležnih i stručnih institucija Federacije BiH za utvrđivanje nedostatak u tlu manjak bakra na području HB županije, ali i šire te legislativno zaokružena stručna i materijalna pomoć stočarima po ovom pitanju svih nivoa vlasti.

MEHMED MEMIŠEVIĆ, delegat
u Domu naroda Parlamenta
Federacije Bosne i Hercegovine

DOM NARODA
PARLAMENTA FEDERACIJE BiH
n/r predsjedavajućeg

Vlada Federacije BiH
Ministarstvo trgovine Federacije BiH

Predmet: poslaničko pitanje

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:			
Org. jed.	Broj	Priloga	Vrijednost
05/1	-02-	118	/25

Poštovani,

Na osnovu člana 13. postavljam ovim putem sljedeće poslaničko pitanje:

Zašto se ne razmatraju zahtjevi lokalnih zajednica koje su po zakonu o unutrašnjoj trgovini po proceduri pute općinskih i gradskih vijeća uputile zahtjev Federalnom ministarstvu trgovine?

Bio sam jedan od prvih koji za ovom govornicom sa ovog mjesta glasno i jasno rekao da će "neradna nedjelja" napraviti više štete nego koristi i kako vrijeme odmiče svi smo svjedoci negativnih posljedica za privredu i ekonomiju.

Imamo situaciju da je u Doboj Jugu, lokalnoj zajednici s oko 300 privrednih subjekata, zatvoren je veliki tržišni centar, svakodnevno se otpuštaju radnici, firme zatvaraju svoje pogone i radnike šalje na biro rada.

Od samog početka sam govorio da će nas populizam ove vlade skupo koštati.


Vlada radi površno, "udvara" se građanima svjesna lošeg rejtinga u javnosti. U više navrata sam govorio da uredba na uredbu nije rješenje tako smo ovih dana svjedoci još jednoj uredbi koja se odnosi na mjere finacijske pomoći u vrijednosti od 15 miliona maraka kako navode u cilju održavanja postojećih radnih mjesta u 2025. godini. Međutim, to je nažalost već kasno, šteta je već nanesena.

Žalosno se je da u jeku borbe za državu nametnuti premijer misli da može raditi šta god hoće i nastaviti po starom da nas vodi u dužničko ropstvo gdje se Vlada ponovo zadužila za 636 miliona maraka.

Sarajevo 04.03.2025

Delegat

Mehmed Memišević



MEHMED MEMIŠEVIĆ, delegat u
Domu naroda Parlamenta
Federacije Bosne i Hercegovine

DOM NARODA
PARLAMENTA FEDERACIJE BiH
n/r predsjedavajućeg

Vlada Federacije BiH
Federalno ministarstvo prometa i komunikacija

Bosna i Hercegovina
Federalna Bosna i Hercegovina
PARLAMENT FEDERACIJE
SARAJEVO

Primljeno: 17-03-2025			
Org. jed.	B r o j	Priloga	Vrijednost
05/2	02	120	125

PREDMET: Delegatska inicijativa

Na osnovu člana 10. postavljam ovim putem sljedeću delegatsku

INICIJATIVU

Delegatsku inicijativu Federalnom ministarstvu prometa i komunikacija da sukladno svojim ovlastima i ingirencijama poduzme sve prijeko potrebne radnje u rješavanju problema na mostu Brčko – Gunja.

Obrazloženje:

Već duži vremenski period zatvoreni most Brčko – Gunja gdje se bilježe milijunski gubitci za privredu Bosne i Hercegovine. Most koji spaja Bosnu i Hercegovinu i Republiku Hrvatsku trenutno je samo za pješake. Privreda Brčko Distrikta ali i cijele sjeveroistočne Bosne i Hercegovine trpi velike gubitke. Samo Brčko Distrikt bilježi štetu oko dva miliona maraka.

Prema mojim informacijama dogovorena je izgradnja novog mosta koji bi trebao biti smješten četiri kilometra nizvodno od postojećeg ali konkretnih poteza još uvijek nema.

Sarajevo, 04.3.2025. godine

Delegat

Mehmed Memišević

